

Deloitte.

Skattamál
2006/2007

1000

E28096501



Skattlagning einstaklinga

I. TEKJUSKATTUR OG ÚTSVAR

Staðgreiðsla 2006 (tekjusk. 23,75 + útsvar 12,97)	36,72%
Staðgreiðsla 2007 (tekjusk. 22,75 + útsvar 12,97)	35,72%
Fjármagnstekjuskattur	10,00%
Staðgreiðsla barna yngri en 16 ára 2006, af tekjum umfram 98.528 kr. (árið 2007 100.745 kr.) (tekjuskattur 4% + útsvar 2%)	6,00%

Ekki er lagður á sérstakur tekjuskattur (hátekjuskattur) við álagningu 2007, vegna tekna ársins 2006.

Gjald í framkvæmdasjóð aldraðra

6.314 kr.

Gjaldið er lagt á alla á aldrinum 16-69 ára sem eru með tekjur yfir skattleysismörkum á árinu 2006.

II. FRÁDRÁTTUR FRÁ TEKJUM

1. PERSÓNUAFSLÁTTUR

Tekjuárið 2006 (29.029 kr. á mánuði)	348.348 kr.
Tekjuárið 2007 (32.150 kr. á mánuði)	385.800 kr.

Heimilt er að færa allt að 100% af persónuafslætti milli hjóna og sambúðarfólks sem og aðila í staðfestri samvist og skráðri samvist. Börn innan 16 ára njóta ekki persónuafsláttar. Eftirlifandi máki getur nýtt persónuafslátt hins látna í níu mánuði eftir andlát.

Skattleysismörk þeirra sem greiða í lífeyrissjóð tekjuárið 2007	1.125.070 kr.
Skattleysismörk ellilífeyrisþega tekjuárið 2007	1.080.067 kr.

2. SJÓMANNAAFSLÁTTUR

Á dag tekjuárið 2006	782 kr.
Á dag tekjuárið 2007	834 kr.

3. IÐGJÓLD TIL LÍFEYRISSJÓÐA

Heimilt er að halda utan staðgreiðslu 4% af heildarlaunum, sem greidd hafa verið til lífeyrissjóða sem starfa samkvæmt lögum. Auk þess er heimilt að halda utan staðgreiðslu allt að 4% af heildarlaunum vegna viðbótartryggingarverndar að fullnægðum ákveðnum skilyrðum laga.

4. FRÁDRÁTTUR Á MÓTI ÖKUTÆKJASTYRK

Frá ökutækjastyrk, sem launþegi hefur fært til tekna, skal leyfa sem frádrátt sannanlegan rekstrarkostnað sem starfsmaður hefur borið vegna rekstrar ökutækis. Til frádráttar er því leyfður sá hluti af heildarrekstrarkostnaði bifreiðarinnar sem svarar til afnota hennar í þágu launagreiðanda. Aldrei leyfist þó hærri fjárhæð til frádráttar en talin er til tekna sem ökutækjastyrkur. Krafa er gerð um að haldin sé akstursdagbók eða akstursskýrsla, þar sem

hver ferð fyrir launagreiðanda hefur verið skráð, sú vegalengd sem ekin hefur verið og aksturserindi. Sé akstur í þágu launagreiðanda ekki umfram 2000 km á ári er ekki þörf á að sundurliða rekstrarkostnað bifreiðarinnar.

5. FRÁDRÁTTUR Á MÓTI DAGPENINGUM

Dagpeningar eru greiddir vegna tilfallandi ferðalaga launþega á vegum launagreiðanda utan fasts samningsbundins vinnustaðar og er þeim ætlað að standa undir kostnaði launþegans vegna fjarveru frá heimili sínu, annars vegar vegna gistikostnaðar ef um hann er að ræða og hins vegar vegna fæðiskaupa og annars tilfallandi kostnaðar sem af ferðinni hlýst. Á móti fengnum dagpeningum er launamönnum heimilt að færa frádrátt samkvæmt nánari reglum sem fjármálaráðherra setur.

Leyfilegur frádráttur frá greiddum dagpeningum innanlands á árinu 2007:

Gisting og fæði í einn sólarhring	15.100 kr.
Gisting í eina nótt	8.700 kr.
Fæði fyrir heilan dag, minnst 10 klst. ferðalag	6.400 kr.
Fæði í hálfan dag, minnst 6 klst. ferðalag	3.200 kr.

Leyfilegur frádráttur frá greiddum dagpeningum erlendis á árinu 2007 í SDR:

	Almennir dagpeningar			Dagpeningar vegna þjálfunar, náms o.fl.		
	Gisting	Annað	Samtals	Gisting	Annað	Samtals
Flokkur 1: SDR Mexíkóborg, New York borg, Tókýó, Washington DC	170	113	283	109	72	181
Flokkur 2: SDR Aþena, Dublin, Hong Kong, Istanbúl, London, Lúxemborg, Moskva, Seúl, Singapúr	149	100	249	96	64	160
Flokkur 3: SDR Amsterdam, Barcelona, Brussel, Genf, Kaupmannahöfn, Osló, París, Stokkhólmur	136	90	226	87	58	145
Flokkur 4: SDR Annars staðar	117	78	195	75	50	125

III. SÉRREGLUR UM EIGNATEKJUR OG ARF

1. ALMENNT UM FJÁRMAGNSTEKJUSKATT

10% fjármagnstekjuskattur leggst á allar fjármagnstekjur manna utan atvinnurekstrar, svo sem vexti, verðbætur, afföll, gengishagnað, arð af hlutabréfum og stofnsjóðum, leigutekjur og skattskyldan hagnað af sölu eigna. Fjármálastofnunum ber að draga staðgreiðslu af vaxtatekjum og afföllum og skila til ríkissjóðs. Félögum með takmarkaða ábyrgð félagsaðila og samvinnufélögum ber að draga staðgreiðslu af arði sem þau greiða eða úthluta félagsmönnum sínum og skila í ríkissjóð. Aðrar greiðslur er mynda stofn til fjármagnstekna einstaklinga eru lagðar á við álagningu næsta ár á eftir tekjuári.

2. LEIGUTEKJUR

Frá leigutekjum af íbúðarhúsnæði, sem ekki tengist atvinnurekstri eða sjálfstæðri starfsemi, er heimilt að draga greidd húsaleigugjöld af íbúðarhúsnæði til eigin nota. Frádráttur þessi leyfist eingöngu til frádráttar leigutekjum af íbúðarhúsnæði sem ætlað er til eigin nota en er tímabundið til útleigu.

Útleiga manns á íbúðarhúsnæði telst ekki til atvinnurekstrar eða sjálfstæðrar starfsemi nema heildarfyrmingargrunnur slíks húsnæðis í eigu hans í árslok nemi 29.324.700 kr. eða meira ef um einstakling er að ræða, en 58.649.400 kr. ef hjón eiga í hlut.

3. SÖLUHAGNAÐUR AF HLUTABRÉFUM ÁRÍÐ 2007

Greiða skal 10% fjármagnstekjuskatt af söluhagnaði hlutabréfa. Söluhagnaður hlutabréfa er mismunur á söluverði og kaupverði.

Kaupverð hlutabréfa sem skattaðili hefur eignast 1. janúar 1997 og síðar er án nokkurs framreiknings.

Kaupverð hlutabréfa sem skattaðili hefur eignast fyrir 1. janúar 1997 má ákvarða á tvenns konar hátt:

- Jöfnunarverðmæti hinna seldu hluta í árslok 1996, eða
- upphaflegt kaupverð hinna seldu hluta framreiknað til ársloka 1996.

4. ARFUR

Erfðafjárskattur er 5%. Þó er enginn erfðafjárskattur greiddur af fyrstu 1.000.000. kr. í skattstofni dánarbús, nema um fyrirframgreiddan arf sé að ræða. Skattstofn erfðafjárskatts er heildarverðmæti allra fjárhagslegra verðmæta og eigna sem liggja fyrir við andlát arfleifanda að frádregnum skuldum og kostnaði.

IV. BÆTUR

1. VAXTABÆTUR

Vaxtagjöld til útreiknings vaxtabóta á árinu 2007 (vaxtagjöld ársins 2006) er sú fjárhæð sem lægst er af a), b) eða c):

- Vaxtagjöld vegna sérstakra lána til öflunar eða verulegra endurbóta á íbúðarhúsnæði til eigin nota.
- 5% af eftirstöðvum skulda í árslok, sem stofnað hefur verið til vegna öflunar íbúðarhúsnæðis til eigin nota.
- Hámark vaxtagjalda, sbr. töflu hér að neðan.

Frá vaxtagjöldum skv. framansögðu dregst fjárhæð sem svarar 6% af tekjuskattstofni og fjármagnstekjum, og er mismunurinn vaxtabætur. Ákveðið hámark er þó á reiknuðum vaxtabótum, sbr. töflu hér að neðan. Vaxtabætur skerðast síðan hlutfallslega fari eignir að frádregnum skuldum fram úr 4.838.005 kr. hjá einstaklingi og einstæðum foreldrum, og 8.019.826 kr. hjá hjónum, uns þær falla niður við 60% hærri fjárhæð. Vaxtabætur skiptast jafnt á milli hjóna/sambúðarfólks.

Hámark vaxtagjalda og vaxtabóta:

	Vaxtagjöld 2006	Vaxtabætur 2007
Einstaklingur	494.782 kr.	169.541 kr.
Einstætt foreldri	649.544 kr.	218.042 kr.
Hjón og sambúðarfólk	804.304 kr.	280.372 kr.

2. BARNABÆTUR

Barnabætur eru greiddar vegna hvers barns innan 18 ára aldurs (f. 1989 eða síðar)

	2006		2007	
	Hjón/ sambúðarfólk	Einstæðir foreldrar	Hjón/ sambúðarfólk	Einstæðir foreldrar
Með fyrsta barni	139.647 kr.	232.591 kr.	139.647 kr.	232.591 kr.
Með hverju barni umfram eitt	166.226 kr.	238.592 kr.	166.226 kr.	238.592 kr.
Hækkun vegna barna yngri en 7 ára*	46.747 kr.	46.747 kr.	56.308 kr.	56.308 kr.

Við ákvörðun barnabóta á árinu 2007 vegna tekna á árinu 2006 eru skerðingarmörk sameiginlegs tekjuskattstofns hjóna er 2.231.195 kr. og einstæðra foreldra 1.115.598 kr. Hlutföll skerðingar er 2% með einu barni, 6% með tveimur börnum og 8% með þremur börnum eða fleirum.

*Þessi hluti barnabóta er ekki tekjutengdur.

Atvinnurekstur

I. OPINBER GJÖLD

STOFN

1. TEKJUSKATTUR LÖGAÐILA VEGNA ÁRANNA 2006 OG 2007

Félög með takmarkaða ábyrgð	
og samvinnufélög	18%
Aðrir lögaðilar	26%

Hreinar tekjur

2. BÚNAÐARGJALD

Álagning 2007	1,2%
---------------------	------

Velta búvöru-
framleiðenda

3. IÐNAÐARMÁLAGJALD

Heildarvelta í
iðnaðarstarfsemi

4. TRYGGINGAGJALD/MARKAÐSGJALD

Til gjaldstofns teljast hvers konar laun og þóknunir, þ. á m. mótframlag launagreiðenda til lífeyrissjóðs. Til tryggingagjaldsskyldra hlunninda telst meðal annars fæði, húsnæði, fatnaður, bifreiðaafnot o.þ.h. en þau skal reikna til gjaldstofns á sama verði og þau eru metin til tekna samkvæmt skattmati fjármálaráðherra. Greiðslur launagreiðenda vegna fæðingarorlofs mynda ekki stofn til tryggingagjalds, nema það fari yfir ákveðið hámark.

Tryggingagjald að meðtöldu markaðsgjaldi og ábyrgðargjaldi atvinnurekenda árið 2007:

Almennt gjaldstig	5,34%
Laun sjómanna	5,99%

Ef reiknað endurgjald eða greidd vinnulaun til annarra ná ekki 504.000 kr. á árinu er gjaldanda heimilt, í stað þess að skila mánaðarlega, að senda skilagrein ásamt greiðslu einu sinni á ári eins og um uppgjör fyrir desember væri að ræða.

Um tryggingagjald vegna launa þeirra starfsmanna sem eru með vottorð E-101 gilda sérstakar reglur.

II. AFSKRIFARHLUTFÖLL OG FYRNINGAR

Árið 2006

Skip, skipsbúnaður og fólksbifreiðar fyrir færri en 9 menn aðrar en leigubifreiðar	10 - 20%
Loftför og fylgihlutir	10 - 20%
Verksmiðjuvélar, iðnaðarvélar og tæki	10 - 30%
Skrifstofuáhöld og -tæki	20 - 35%
Vélar, tæki, bifreiðar og annað lausafé, sem ekki fellur undir ofangreint	20 - 35%
Íbúðarhúsnæði, skrifstofu- og verslunarbyggingar	1 - 3%
Verksmiðju- og verkstæðisbyggingar, vörugeymslur o.fl.	3 - 6%
Gróðurhús, bryggjur og plön þeim tengd	6 - 8%
Borholur, raflínur og óvaranlegar vinnubúðir	7,5 - 10%
Keyptur eignarréttur að hugverkum og auðkennum	15 - 20%
Keypt viðskiptavild	10 - 20%

Lausafjármunir, þ.m.t. skip, loftför, bifreiðar, vélar og tæki, eru afskrifaðir samkvæmt **stiglækkandi fyrningum**. Það felur í sér að fyrningarstofn eignarinnar er bókfært verð hennar, þ.e. stofnverð hennar að frádregnum áður fengnum fyrningum.

Mannvirki, eyðanleg náttúruauðæfi, keypt viðskiptavild og keyptur eignarréttar að hugverkum og auðkennum eru afskrifuð samkvæmt **línulegri fyrningu**. Þá er fyrningarstofn eignarinnar upphaflegt kaupverð hennar.

Fyrningartími eigna hefst við byrjun þess rekstrarárs þegar þær eru fyrst nýttar við öflun tekna. Ekki er heimilt að fyrna eign á því rekstrarári þegar nýtingu hennar lýkur vegna sölu eða af öðrum ástæðum, þar með talið ef eign verður ónothæf, nema söluverð eða annað andvirði sé lægra en eftirstöðvar fyrningarverðs. Er þá heimilt að gjaldfæra mismuninn. Mannvirki og lausafé, þ.m.t. skip, loftför, bifreiðar, vélar og tæki, má aldrei fyrna meira en svo að ávallt standi eftir sem niðurlagsverð eignar 10% af stofnverði hennar.

Þegar kostnaðarverð einstakra eigna eða eignasamstæða er undir 250.000 kr. er heimilt að færa það að fullu til gjalda á því ári þegar þeirra er aflað. Þá er heimilt að færa niður stofnkostnað, svo sem kostnað við skráningu fyrirtækis og öflun atvinnurekstrarleyfa, svo og kostnað við tilraunavinnslu, markaðsleit, rannsóknir og öflun einkaleyfis og vörumerkja á því ári sem viðkomandi eign myndast eða með jöfnum fjárhæðum á fimm árum.

Stofnkostnað við kaup á réttindum sem ekki rýrna vegna notkunar, þ. á m. aflaheimildir, er ekki heimilt að fyrna. Verðmæti slíkra réttinda er ekki heimilt að færa til frádráttar skattskyldum tekjum.

III. ÖNNUR ATRÍÐI ER VARÐA AÐILA Í ATVINNUREKSTRI

SAMSKÖTTUN

Skattstjóri getur heimilað að tvö eða fleiri hlutafélög, einkahlutafélög og samlagshlutafélög séu skattlögð saman. Skilyrði samsköttunar eru að móðurfélag eigi a.m.k. 90% hlutafjár í dótturfélagi, að öll hlutafélögin hafi sama reikningsár, eignarhald hafi varað allt reikningsárið, nema þegar um stofnun eða slit á dótturfélagi er að ræða, og að samsköttunin standi að lágmarki í fimm ár.

STOFN TIL STAÐGREIÐSLU SEM ARÐUR

Stofn til staðgreiðslu sem arður telst arður af hlutum og hlutabréfum í hlutafélögum, einkahlutafélögum og samlagshlutafélögum, þ.e. sú fjárhæð sem þau félög greiða eða úthluta, að undanteknum arði sem úthlutað er á milli samskattaðra hlutafélaga, einkahlutafélaga eða samlagshlutafélaga.

SAMSKRÁNING Á VIRÐISAUKASKATTSSKRÁ

Skattstjóri getur heimilað að tvö eða fleiri hlutafélög eða einkahlutafélög verði samskráð á virðisaukaskattsskrá. Skilyrði samskráningarinnar eru að móðurfélag eigi a.m.k. 90% hlutafjár í dótturfélagi, að öll hlutafélögin hafi sama reikningsár og að samsköttunin standi að lágmarki

Í fimm ár. Umsókn um samskráningu skal beint til skattstjóra í því skattumdæmi þar sem móðurfélagið er heimilisfast ekki síðar en 8 dögum fyrir upphaf fyrsta reikningsárs sem samskráningar er ætlað að taka til.

SÖLUHAGNAÐUR AF EIGNARHLUTUM Í FÉLÖGUM

Hagnaður af sölu hlutabréfa telst að fullu til skattskyldra tekna á söluári. Heimilt er að draga frá söluverði kostnað vegna sölu. Unnt er að fara fram á frestun á tekjufærslu söluhagnaðar um tvenn áramót frá söluvegi. Kaupi seljandi önnur hlutabréf í stað hinna seldu bréfa innan þess tíma færast söluhagnaðurinn til lækkunar á kaupverði nýju bréfanna.

Kaupár **Útreikningur á skattskyldum söluhagnaði**

1996 og fyrr	Mismunur á söluverði og kaupverði. Kaupverð í árslok 1996 ákvarðast sem upphaflegt kaupverð þeirra eða jöfnunarverðmæti þegar það hefur verið hækkað skv. verðbreytingarstuðli fyrir hvert ár til ársloka 2001, enda séu hlutabréfin eignfærð í atvinnurekstrinum.
1997-2001	Mismunur á söluverði og kaupverði. Kaupverð í árslok 2001 ákvarðast sem upphaflegt kaupverð hlutabréfanna þegar það hefur verið hækkað samkvæmt verðbreytingarstuðli fyrir hvert ár til ársloka 2001, enda séu hlutabréfin eignfærð í atvinnurekstrinum.
2002-2006	Mismunur á söluverði og kaupverði.

ARÐSTEKJUR HLUTAFÉLAGA

Hlutafélögum og einkahlutafélögum er heimilt að draga frá skattskyldum tekjum sínum móttækinn arð sem þau fá úthlutað frá hlutafélögum og einkahlutafélögum. Hið sama gildir um móttækinn arð erlendis frá, hafi hagnaður hlutafélagsins, sem verið er að úthluta, verið skattlagður með svipuðum hætti og gert er hér á landi. Skilyrði er að skatthlutfall, sem lagt er á hagnað hins erlenda félags, sé eigi lægra en almennt skatthlutfall í einhverju aðildarríkja OECD.

EFTIRSTÖÐVAR REKSTRARTAPA

Frá skattskyldum tekjum á rekstrarárinu 2006 (framtal 2007) er heimilt að draga eftirstöðvar rekstrartapa frá síðustu tíu árum, enda hafi ekki orðið veruleg breyting á þeim rekstri eða starfsemi sem í hlut á.

REIKNAD ENDURJALD

Maður sem vinnur við eigin atvinnurekstur eða sjálfstæða starfsemi, eða telst vera með ráðandi stöðu í atvinnurekstri vegna eignar- eða stjórnunaraðildar, skal reikna sér til tekna ekki lægra endurgjald fyrir starfið en hann hefði haft sem laun fyrir það hjá óskyldum eða ótengdum aðila. Sama gildir um vinnu maka manns, barna hans, venslamanna og nákominna ættingja, sem innt er af hendi við atvinnurekstur eða sjálfstæða starfsemi hans. Við upphaf hvers árs setur fjármálaráðherra reglur til viðmiðunar fyrir reiknað endurgjald fyrir slík störf einstaklinga en þær má nálgast á www.rsk.is.

Viðmiðunarfjárhæðir reiknaðs endurgjalds á mánuði á árinu 2007 (lágmarksviðmiðanir):

Flokkur A	Sérfræðiþjónusta (5 flokkar): 517.000-725.000 kr.
Flokkur B	Almenn starfsemi, iðnaður, verslun, útgerð og þjónusta (5 flokkar): 342.000-685.000 kr.
Flokkur C	Fjölmíðlun, listamenn, skemmtikrafar, útgefendur, sérhæfð sölustarfsemi eða þjónusta o.fl. (5 flokkar): 414.000-663.000 kr.
Flokkur D	Iðnaðarmenn (2 flokkar): 276.000-331.000 kr.
Flokkur E	Ýmis starfsemi einyrkja, ófaglærðra og vélstjórnenda (4 flokkar): 222.000-301.000 kr.
Flokkur F	Sjómennska (5 flokkar): 276.000-414.000 kr.
Flokkur G	Landbúnaður (3 flokkar): 102.000-204.000 kr.
Flokkur H	Makar og nákomnir venslamenn (3 flokkar): 138.000-415.000 kr. Börn (2 flokkar): 83.000-96.000 kr.

Gengi

OPINBERT VIÐMIÐUNARGENGI SEDLABANKA ÍSLANDS.

	Kaup	Sala	Kaup	Sala	Breytingar
	31.12.06*	31.12.06*	31.12.05	31.12.05	m. v. sölugengi
USD	71,66	72	62,98	63,28	+ 13,78%
GBP	140,64	141,32	108,59	109,11	+ 29,52%
DKK	12,65	12,724	9,985	10,043	+ 26,70%
NOK	11,419	11,487	9,317	9,371	+ 22,58%
SEK	10,415	10,477	7,922	7,968	+ 31,49%
CHF	58,71	59,03	47,9	48,16	+ 22,57%
CAD	61,71	62,07	54,13	54,45	+ 14%
JPY	0,6025	0,6061	0,536	0,5392	+ 12,41%
SDR	107,72	108,36	89,98	90,52	+ 19,71%
EUR	94,35	94,87	74,49	74,91	+ 26,65%

* Seðlabanki Íslands skráði síðasta opinbera viðmiðunargengið á árinu 2006 þann 29.12.2006.

Aðrar upplýsingar

VÍSITÖLUR

	Jan 2006	Jan 2007	Breyting
Byggingarvísitala	316,7	356,3	12,51%
Lánskjaravísitala	4915	5256	6,94%
Neyslúvísitala til verðtryggingar	248,9	266,2	6,95%

TVÍSKÖTTUNARSAMNINGAR

Í eftirfarandi töflu má finna þau ríki sem Ísland hefur gert tvísköttunarsamninga við. Í töflunni eru ennfremur upplýsingar um lækkað afdráttarskatthluffall á arði sem félag heimilisfast í öðru samningsríkinu greiðir félagi í hinu samningsríkinu. Neðangreind skatthlutföll fá notið við að uppfylltum ákveðnum skilyrðum en ekki gefst kostur á að birta þau öll hér; í töflunni eru eingöngu birt þau meginskilyrði er varða lágmarkseignarhald í félaginu sem greiðir arðinn. Í töflunni má ennfremur sjá afdráttarskatthluffall þóknana (e. royalties).

Land	Arður Skatthlutfall - Eignarhald	Þóknanir
Bandaríkin	5% - 10%	0%
Belgía	5% - 10%	0%
Bretland	5% - 10%	0%
Eistland	5% - 25%	5% / 10%
Frakkland	5% - 10%	0%
Grænland	5% - 25%	15%
Holland	0% - 10%	0%
Írland	5% - 25%	10%
Kanada	5% - 10%	0% / 10%
Kína	5% - 25%	10%
Lettland	5% - 25%	5% / 10%
Litháen	5% - 25%	5% / 10%
Lúxemborg	5% - 25%	0%
Norðurlönd ¹	0% - 10%	0%
Portúgal	10% - 25%	10%
Pólland	5% - 25%	10%
Rússland	5% - 25%	0%
Slóvakía	5% - 25%	10%
Spánn	5% - 25%	5%
Svíss	5% - 25%	0%
Tékkland	5% - 25%	10%
Víetnam	10% - 25%	10%
Þýskaland	5% - 25%	0%
Malta	5%-10%	5%
Ungverjaland	5%-25%	10%

1) Tvísköttunarsamningur við Danmörk, Finnland, Færeyjar, Noreg og Svíþjóð.

Undir lok ársins 2006 beið tvísköttunarsamningur við Ítalíu undirritunar. Þá beið samningar við Austurríki, Grikkland, Króatíu, Mexíkó, Suður-Kóreu og Úkraínu fullgildingar, auk þess sem samningagerð við Indland, Rúmeníu og Slóveníu stóð yfir. Á árinu 2006 var lokið við gerð nýs tvísköttunarsamnings milli Íslands og Bandaríkjanna. Bíður hann undirritunar og var eldri samningurinn því enn í gildi í byrjun árs 2007.

Ýmsar breytingar sem áhrif hafa á árinu 2007

TEKJUSKATTUR EINSTAKLINGA

Við staðgreiðslu vegna tekna ársins 2007 lækkar tekjuskattur úr 23.75% á árinu 2006 í 22,75% af tekjuskattstofni.

PERSÓNUAFSLÁTTUR

Persónuafsláttur hækkaði úr kr. 29.029 á mánuði á árinu 2006, í kr. 32.150 á mánuði á árinu 2007.

SJÓMANNAAFSLÁTTUR

Á tekjuárinu 2007 er sjómannaafsláttur kr. 834 á dag í stað kr. 782 á árinu 2006.

SÉRSTAKUR TEKJUSKATTUR (HÁTEKJUSKATTUR)

Ekki er lagður á sérstakur tekjuskattur (hátekjuskattur) við álagningu 2007, vegna tekna ársins 2006.

IÐGJALD Í LÍFEYRISSJÓÐ

Lágmarksíðgjald til lífeyrissjóða á árinu 2007 er 12% af íðgjaldsstofni í stað 10% áður. Íðgjald launagreiðanda hækkar úr 6% í 8%, en íðgjald launþega er óbreytt, þ.e. 4%.

BARNABÆTUR

Barnabótaaldur hækkar úr 16 árum í 18 ár. Ótekjutengdar barnabætur hækka úr kr. 46.747 frá árinu 2006 í kr. 56.308 á árinu 2007. Við ákvörðun barnabóta á árinu 2007 vegna tekna á árinu 2006 eru skerðingarmörk sameiginlegs tekjuskattstofns hjóna 2.231.195 kr. og einstæðra foreldra 1.115.598 kr. Hlutföll skerðingar eru 2% með einu barni, 6% með tveimur börnum og 8% með þremur börnum eða fleirum.

VAXTABÆTUR

Eignaviðmiðun við útreikning vaxtabóta hækkaði um 30% (tók gildi í nóvember 2006 og voru vaxtabætur endurákvarðaðar samkvæmt skattframtali 2006 vegna vaxtagjalda 2005).

BÚNAÐARGJALD

Álagning búnaðargjalds lækkar úr 2,0% á árinu 2006 í 1,2% á árinu 2007.

Upplýsingar þær sem fram koma í bæklingi þessum eru unnar upp úr gildandi lögum og reglum í upphafi árs 2007. Upplýsingarnar eru almenns eðlis og er ekki ætlað að vera tæmandi upplýsingagjöf. Við hvetjum þig til að leita faglegar aðstoðar við úrlausn skattamála. Nánari upplýsingar er að finna á heimasíðu Deloitte hf. Þar er meðal annars hægt að finna útgefnar skýrslur og erindi um ýmis mál af vettvangi skattaréttar.

Þá bendum við á eftirfarandi heimasíður sem hafa að geyma frekari upplýsingar um skatta og málefni er tengjast þeim: www.rsk.is, www.yskn.is, www.hagstofa.is, www.tollur.is og www.skr.is.

Deloitte hf. er hluti Deloitte Touche Tohmatsu, sem er eitt af fremstu fyrirtækjum í heimi á sviði endurskoðunar og ráðgjafa. Á alþjóðavísu starfa um 135.000 manns í tæplega 140 löndum hjá Deloitte með það að markmiði að leiða viðskiptavinum sína til forystu. Á Íslandi starfa um 200 manns hjá félaginu. Deloitte hf. býður fyrirtækjum og einstaklingum víðtæka þjónustu og ráðgjöf á sviði fyrirtækjareksturs, m.a. endurskoðun, áhættuþjónustu, reikningskili, fjármálaráðgjöf og skatta- og lögfræðiráðgjöf.

Skrifstofur og samstarfsaðilar

SKRIFSTOFUR:

Reykjavík, Stórhöfði 23

Akranes

Akureyri

Egilsstaðir

Grundarfjörður

Neskaupstaður

Reykjanesbær

Sauðárkrókur

Snæfellsbær

Vestmannaeyjar

sími: 580-3000

sími: 431-3911

sími: 460-9900

sími: 471-2560

sími: 438-6896

sími: 477-1790

sími: 420-7700

sími: 453-6000

sími: 430-1600

sími: 488-6000

SAMSTARFSÁÐILAR DELOITTE HF.:

Bolungarvík

Ísafjörður

Fjárstöð ehf., Reykjavík

sími: 450-7900

sími: 456-4066

sími: 556-6000

www.deloitte.is